

# Dapli indrizs solars, ina paja minimala e meglras vias da velos

Durant la sessiun da giuvenils che ha gi lieu la fin d'emna han passa 40 giuvenils lavurà ensemen per laschar sentir lur interess per la politica grischuna. Els han elavurà pretensiuns e silsunter surdà quellas al president da la regenza Marcus Caduff.

RTR/FMR

Ils giuvenils e las giuvenilas tranter 15 e 25 onns han durant dus dis pudì savurar aria politica. La finamira da la sessiun dals giuvenils, ch'è vegnida averta dal president dal Cussegl grond *Tarzius Caviezel* (PLD), è da formular differentas pretensiuns concretas per la politica grischuna. Quest onn en quai stad las tematicas sanadad, societad, spazi da viver, energia ed ambient. Organisà la dieta han las partidas giuvnas dal Grischun.

## Inspiraziun dad expertas ed experts

En trais gruppas han ils participants e las participantas sco emprim tadlà plirs referats dad experts sur da differentas tematicas. Tranter auter ha il manader dal stab directiv da corona, *Martin Bühler* discurre davart situaziuns da crisa sco quella da corona. La deputada e media da dunnas *Xenia Bischof* ha percurter referà davart sanadad ed educaziun sexuala. Las giuvnas ed ils giuvens han tar mintga referent pudì far dumondas ed ins ha senti che l'interess ed il plaschair vi da la politica era qua.

Suenter ils referats dals experts han ils giuvenils elavurà emprimas variantas da las preten-

Las pretensiuns dals giuvenils en per exempel il giavisch d'extender la rait da vias da velo en las citads, da promover indrizs solars, da finanziazi pli fitg la chasa da dunnas a Cuira e d'introducìr ina paja minimala (guarda box).

## La vusch dals giuvenils è impurtanta

La dumengia suentermezdi han ils giuvenils lura surdà 17 pretensiuns a *Marcus Caduff* sco represchentant da la politica grischuna. Lez di en connex cun la sessiun da giuvenils: «Igl è impurtant ch'ins audia las vuschs dals giuvenils». Garantir che las pretensiuns vegnian lura era ademplidas da la politica grischuna po Marcus Caduff dentant betg. El empermetta dentant da prender serius ils giavischs. «Igl è da guardar en il gremi da la regenza tge via che las propostas han dad ir e dar resposta u guardar sche il parlament prenda si ina u l'autra.»

## Las pretensiuns portan fritgs

Che las pretensiuns da la sessiun da giuvenils pon purtar fritgs sa mussa vi da l'exempel dal dretg da vuschar gia a partir da 16 onns. Ils giuvens e las giuvnas han inoltrà quella pretensiun a l'ultima sessiun da giuvenils. Suenter è quella vegnida acceptada dal Cussegl grond. La re-

genza sto ussa far ina proposta co midar la constituziun chantunala per midar il dretg da vuschar. En la fasa finala datti anc ina giada ina debatta en il Cussegl grond e lura anc ina votaziun dal pievel.

genza sto ussa far ina proposta co midar la constituziun chantunala per midar il dretg da vuschar. En la fasa finala datti anc ina giada ina debatta en il Cussegl grond e lura anc ina votaziun dal pievel.

## Intginas propostas dals giuvenils

- Sustegn finanziel per localitads da drogas e la chasa da dunnas a Cuira
- In terz dal chantun duai vegnir mess sut protecziun da la natira
- Offensiva da solar
- Netto-nulla da las emissiuns en fin l'onn 2030.

«Igl è impurtant ch'ins audia las vuschs dals giuvenils.»

Marcus Caduff,  
cusseglier guvernativ



Il cusseglier Martin Bühler, Stephan Bohner da «Fundamensch», il professor Peter Tromm ed Armando Lenz da «Pro Natura» han referà davart differents temas en connex cun l'ambient e l'energia.



Discussiun en gruppas: Lur pretensiuns han las giuvnas ed ils giuvens formulà uschè curt e detaglià sco pussibel.